


AITA PATXI



ZURE PAUSOAK JARRAITU DAIZALA

Gure artean noiznahi sortzen da
 ez dala eta badala,
 eta egiaz jabetzen dira
 dirua ta astrapala.

Baina honetan danok bat-gatoz:
 "Aita Patxi santu zala".

Gu biok ondo konpontzen ginan
 anai ta lagun bezala,
 zure alde gaur esan gura dot
 zerbait nola edo hala:
 Jainkoarekin leiala,
 urkoarekin zabala;
 zuri atzera eragiteko
 ez zan nahiko bonba-bala,
 dudarik bada, zure pausoak
 zehatz jarraitu daizala!

1

Zu, Aita Patxi, nor izan zinan
nahi neuke hemen agertu,
esan-ahalak esanda ere
ezin ezelan aspertu.
Zeuk esana da, zeruan ere
egongo zarala gertu,
lagun eidazu zure egia
ez daidala neuk okertu
eta zutaz nik esandakoa
zuzen daiela ulertu.

2

Bizkai aldeko baserri baten
agertu zinan mundura
Belengo koba estalpetxoan
Jesus jaio zan modura.
Umil ta pobre jaio beharra,
horrek zer deutsa ardura?
Kontua hau da: nor zelan heldu
zu heldu zinan lekura;
txiki jaio ta bizi diranak
sartzen ei dira zerura.

3

1

Orbegoikotik a ze saltoa
Gipuzkuko Gabirira!
Zure negar ta kezka larriak
esatekoak ez dira.
Zure lagunen esamesa da:
"Laster egingo iok jira",
zuk ez dakizu zer dan jartzea
damuz atzera begira.
Oi gure bizi-jarrera danak
horrelakoak balira!

2

Jenioz bizi, bihotzez garbi,
bihurria izakeraz,
beraz ez dago inor santurik
berarizko jaiokeraz.
Liburu batzuk latinez eta
gehientsuenak erderaz,
bizitzan ez da dana suertatzen
nor bakoitzaren aukeraz,
eskerrak, behintzat, Mañuko Amak
baekiala euskeraz!

3

Arrietako Orbegoikoan
baserri landalorea,
txikia baina usain gozodun
santulore dotorea.
Hor bederatzi seme-alaba
bedeinkapen ondorea,
Jaungoikoaren ta gurasoen
maitasunezko orea,
zugaitik, Patxi, Jaunari aintza
ta gurasoei ohorea.

4

Gure artean izan ditugu
euskaldun haundiak hainbat,
euren artean goralgarria,
Aita Patxi, zeu zara bat.
On izan eta on egitea
ez al dogu hartzen aintzat?
Orbegoikoan jaiotakoa
gaur hartzen dogu santutzat;
koroï eder bat merezi dozu,
nik halan uste dot behintzat.

PRAILEKI GABIRIAN

3

Ze oker egin ete zenduan
nabil hau jakin gurarik,
bestetan baino haundiagoa
izango zan duda barik.
Orduan zirt-zart egin zenduan:
"Nik ez gehiago faltarik!"
Oker eginaz zuzendu zinan
ez izan horren kezkarik.
Erabagia hartu zenduan
eta ez dago bueltarik.

4

"Indar guztiaz erabagi dot
gaurtik santu izateko,
Andra Maria lagun dodala
San Gabirelen antzeko."
Falta ta guzti, gaur, Aita Patxi,
benetan zorioneko!
Hori da hori gogo beroa
bideari jarraitzeko
eta gazterik Jesusen alde
gogor hordago joteko!

1

Haizeak norantz, buruak harantz
horixe da kainabera,
gizon gehienok horrelakoak
gara gitxi gorabehera.
Zuk Aita Patxi, jaso zenduan
gurutzeko heziera,
jaiotzez zinan euskalduna ta
pasiotarra gainera;
zure lagunen esanetara:
"Zirudian Jesus Bera".

2

Indar-iturri ziran zuretzat
Jesusen Odol-Gorputza,
horren ondoan ezebeza da
mundu guztiko dirutza.
Zeure aldetik sentitzen zinan,
zu Aita Patxi, hain hutsa!
Zure indarren iturria da
Jesukristoren gurutza;
non dira zure indar guztiak?
esan, mundu harroputza.

5

1

Praile izan nahi eta umetan
joan zinan Gabiriara,
harrezkero zu ekandu zinan
komentuko bizitzara.
Orain abade egin-barritan
deitu zaitue gudara,
eta gudari anaien lagun
kaperautzat zoaz hara;
Jaungoikoaren nahia dala ta
ez zara bildur ikara.

2

Esku batean aldare-kutxa,
bestean Santokristoa,
Jesukristoren gudaria prest
horregaz dauka nahikoa.
Zuzen hartu ta bete zenduan
zuk zeure egitekoa:
fedea santuan zaindu ta gorde
gudari katolikoa,
guda-labaren erdian beti
zu aingeru bakezkoa.

3

Zorionean zure ametsak
gaur dira egi pozgarri,
aldare-mahaian, zu Aita Patxi
egin zara Kristo Barri.
Meza emoten, meza entzuten
ta meza laguntzen sarri,
aldarean zer gozotasuna
bizi dozun nork igarri.
Gorputz t'arima maitez emonaz
Jesus ta biok alkarri!

4

Laba gorian sutu ondoren,
dariola su ta garra,
harrigarriak Aita Patxiren
kemena eta indarra.
Gorputza ziztrin, buruz normala,
baina bihotzez azkarra,
hau ikusita, anai-arrebok,
dago autortu beharra:
Gurutz-ondoan eukala bere
indar-iturri bakarra.

3

Hamabi urtez ondo helduta
zagoz otoitz ta liburuz,
gizon fededun, seme euskaldun
sendo bihotz eta buruz.
Mila arrisku, mila tentaldi
bai barruz ta bai inguruz;
gogor jokatzen bazenkian ta
otoitz beroan zizpuruz,
Jaunak errukiz zaindu zinduzan
bere laguntza seguruz.

4

Kalbarioko ikasle zintzo
eta betetzaille fina,
zigortu eta zapaldu arren
zu menderatu ezina.
Jesus maitea gurutzean ta
ondoan Ama Birjina,
euren aurrean zuk egunero
zure bizi-esamina;
karrera latza egin zenduan
baina zuretzat domina.

1

Otxandioko zelai-landetan
ehundaka gudari hilak,
hau ikusita jota egozan
Aita Patxiren mutilak.
Gogoberotzen han jardun eban
euren kaperau abilak;
hil edo bizi, dantzatu behar
besterik ezta, fusilak...
Indar gehiago euken Patxiren
meza ta otoitz isilak.

2

Zaurituren bat besoan eta
meza-kutxa bizkarrean,
nori ta zelan laguntzeko prest
ta zeu dana beharrean.
Zu Aita Patxi, orduan ere
ez zengozan bakarrean,
Jesus ta Andra Maria lagun
gurutzea paparrean,
ze Kalbario zuk Gorbeako
gurutzearen aurrean!

3

Erdiak hilda, besteak ihes
Zaldibar, Ermu aldera,
horixe baino besterik ezin
txiki guztien antzera.
Ermu aldeko pagadietan
sugarra burutik behera...
Lau metrotara bonbak jausita
Kristo ta guzti lurpera...
Zure ustez han izan da zure
heriotz ta biztuera.

4

Lurpetik gora gurutze-bila
eta oraindik bizirik,
danak dinoe, zu ikusita,
non holako miraririk?
Bihotza penaz erdibiturik
ta begi biak bustirik.
Aurrera joanda, Gernika sutan
han ez zan beste argirik;
orain nahiago zeunke ez euki
ez belarri, ez begirik.

7

1

“Meza barria gauza gozoa”
Aita Patxik dino hala,
baina aldare bakoitzak dauka
gurutzearen zozpala.
Gudariekin Otxandiora,
ez zan aproba makala!
Hor agertzen da bakoitza nor dan
ustela ala leiala.
Hor Aita Patxi agertzen jaku
sendoa baizen apala.

2

Bonba ta tiro, metraila-hotsa,
gerra-sutan Otxandio,
odol-hustuta ehundaka asko
ze negar ta ze txilio!
Zu Aita Patxi, danei laguntzen,
bildurrak ez dau balio:
Santokristoa erakutsiaz
parkamen, bedeinkazio...
Ahal dan guztian Mezea eta
gauetan Errosario.

3

Danei laguntzen, danei parkatzen,
zuk ez zeunkan hau besterik,
adore poza danei emonaz
inor badago tristerik.
Zeu lehenago hil, ez zenduan nahi
inor bakarrik izterik;
nahiz gorri izan, nahiz zuri, nahiz baltz,
nahiz ez euki sinisterik...
Inork ez eban inoiz ukatu
zu ondoan ikusterik.

4

Rebelión de la Sal deitzen zan
zure gudarien batza,
zeu izan zinan, handik aurrera,
talde osoaren gatza.
Anaiarteko burruka hori
bai triste eta garratza!
Ez zan sekula zutaz jabetu
gorroto, hasarre-gaitza;
nor izan zinan garbi esanda
odolezko letraz datza.

1

Zenbat euskaldun gudarik daben
 ondo gogoan Brunete:
 hotzez gogortu, beroz kixkaldu
 ta janariz ezin bete.
 Han zenbat jasan eben entzuten
 luzaro egon leiteke;
 lehengo lagunen aurka joteko
 langile onak ta merke...
 zu Aita Patxi, zer ete zara:
 falangista ala rekete?

2

Eguzkipean trintxeraginen
 sarjentoen agindura,
 egarriz ito beharrez eta
 non danik ere ez ura.
 Zuk laster hartu zenduan lana
 pozarren zeure kontura:
 hartu upela zokaz lotuta
 esklabu baten modura,
 urrun egoan iturrirantza
 ha zan ha abiadura!

3

Ur gozo eta freskagarria
 egon arren hain epela,
 laster gozaten ziran lagunen
 eztarri eta sabela.
 Eskerrak zu han egon zinala,
 zer izango zan bestela?
 Danen eritziz, zuk Aita Patxi,
 merezi dozu txapela.
 Urre gorritan ezin ordaindu
 Aita Patxiren upela.

4

“Honeek gorriok zelan ez dauke
 ez buztanik, ez adarrik?”
 Holantxe uste eben askotxok,
 eta ez umeak bakarrik.
 A zer lotsari! A zer tristura!
 Ez dago esan beharrik!
 Kardinal Goma jaunak ez eutsun
 esan horren gauza txarrik:
 “Jaunaren nahia halan zala ta
 ez egiteko negarrik”.

1

Gernikaldera heldu orduko
 dana dago sugarretan,
 hau ikusita, zu Aita Patxi,
 urtu zinan negarretan.
 “Ene Jainkoa! Ez gaizuz itzi
 bakarrik zoritxarretan,
 gure Herriak ze txar egin dau
 hau hartzeko ordainetan?
 Zure Herria gara ta zatoz
 behar zaitugu benetan.”

2

Baserritarrak Gernikaldean
 azokako astelehena,
 ustekabeen etorri jake
 errubakoen azkena.
 Horri gurutze, hari otoitza,
 danei Jainko-parkamena;
 hondamendiak ez eban ahuldu
 Aita Patxiren kemena,
 Santokristogaz bedeinkatuaz
 hilzorikoen aiena.

3

“Geuk euskaldunok Gernika erre
 ta hondatu genduala”,
 berrogei urtez holan egon da
 zabaldua bala-bala.
 Zenbat kastigu esatearren
 hori egia ez dala!
 Oraintsu nahitez autortu dabe
 alemandarrak zirala;
 beste norbaitek eukan seguru
 pekatu orijinala!

4

Ze eskubidez dauke batzuek
 egi santua katigu?
 Orduan ta gaur zer zelan diran
 beranduegi dakigu.
 Hemen ez bada, gero nonbaiten
 merezidu dau kastigu;
 betiko zorra hor geratu da,
 noizbait ordaindu bekigu;
 Jaungoikorako!, hau horrela da,
 Aita Patxi da testigu.

1

Leon sarjento ipurterrea
beti odol-irakinez,
gudamutilak zikin-hatsetan
eta zer egin jakin ez.
Monja-etxean atea jota
erregu apal eginez;
baina "gorriak" zirala eta:
"Hondatu beitez zikinez".
Ondo ornidu ebazan gero
erderaz edo latinez!

2

Haren ondoren Aita Patxi da
apal eskean doana,
lehoi zakarra baino gehiago
da bildots makal otzana.
Irribarrez ta pozarren dino:
"Anaiok, lortu dot dana:
erropa onak sartu zakuan
ta bota gauza ez dana".
Ze hauts edo hitz izan zenduan
sinisteko zuk esana?

3

Zu Aita Patxi, ez zagoz lotan
hasi zara hara-hona,
izen barria jarri deutsue:
"Horra zakudun gizona".
Zikinak haruntz, garbiak honuntz,
beti besteentzat ona.
Han ez zan beste ordain-saririk:
langileen zoriona;
hau nekelorra hartu dozuna,
garbi esanda "kristona".

4

Zaku haundi bi lepoz hartuta
a ze astotxo polita!
Handik aurrera langile danak
ondo ta garbi jantzita.
Agurtza deuna zan zuretzako
graziazko dinamita;
o Aita Patxi, monja guztiak
zeuri laguntzen jarrita;
zuk ez dozu, ez, inoiz ahaztuko
Axpeko Ama Benita!

1

Agur ume ta agur emazte,
hau bizimodu gogorra!
Hemen ez dago besterik ezer,
dana zorri eta zorra.
Eskerrak gure artean dala
kaperau errukiorra:
gau ta egun nor poztuko dabil
etenbarik hona-horra;
bere irudi salbagarria
inoiz ezin jaku borra.

2

Zeuk buruari kendu ta emon
zeure lagunei onenak,
zeurerik ezer ere ez zeunkan,
zeu ta dana besterenak.
Zenbat ahalegin gozatu nahirik
gudari anaien penak!
Gehiago egin nahi ta ez itzi
agintarien ordenak.
"Eskerrak Aita Patxik egiten
euskuzala amarenak!"

3

Han eta hemen sarri entzuna
ekarri nahirik gogora:
inor ikusi ezkerro triste
laster zan bere ondora.
"Ea mutilak! Hori da jite
ta gudarien ganora!
Arerioak bota gaitue
geure herritik kanpora,
baina Jainkoa geugaz dogu ta
buru ta bihotzak gora!"

4

Zu Aita Patxi, ibili zinan
beti ta nonahi abade,
danen nagusi bihurtu zinan
eginik danen mirabe.
Zuk ez zenduan behar armarik,
beti jardunaz xuabe,
armadun danak hezi zenduzan
batere armarik gabe;
danen gainetik zeu izan zinan
zeure buruaren jabe.

1

Inguru hotza ta latza, baina
Aita Patxi gori-gori,
zer egingo, ta bisitatxo bat
egin nahi deutsa Frankori.
“Askatasuna emon deiskula
anai langile danori.”
“Zer uste dozu, kaxkajo horrek,
zuk zer dozu kategori?”
“Nigaitik hauxe esaten eben:
«Goitik jota iagok hori»”

2

Norbait ihesi joan ezkerro,
haren orde z bost garbitu,
behin horrelaxe jazo zan eta
negarrez ezin kabitu.
Zu Aita Patxi, euren erdian
jarrita nork errenditu?
Zu ikusita, nagusi jaunak
egin ziran errukitu;
bakarra baina, zure biziak
hainbat bizi salbau ditu.

3

Madrilen sartu ta berehala
erratz haundi bat eskura,
Atotxan igon zenduan, Patxi
tokatzen jatzun gradura.
Bagoi zahar baten otoitz ta meza
ondoan ahal zan modura;
astiunetan aterik ate,
penagarria itxura;
zeure anaiak ase ezkerro
bestek ez eutsun ardura.

4

“Amaitu da, bai, guda amaitu”
pozaren pozez dearka,
eskerronezko meza emonda
“Jainkoak deiskula parka”.
Kalbarioko gurutz-lagunak
agurka eta besarka;
zuk Aita Patxi, bedeinkatuaz
anai guztiak bakarka,
ez dau hain errez inork onduko
zuk han jarri dozun marka.

1

Hiru bat urte guda-zelaian
egon ondoren etxera,
Zu Aita Patxi, nor ta zer zinan
aprobatzeko aukera.
Ongi etorri ta besarkadak,
baina zu beti zeurera:
Andra Maria eskertu eta
zuzen Jaunaren aurrera,
zu ikusita, danak dinoe:
“Hau da lehengoa berbera”.

2

Laster bihurtu zinan pozarren
zure lehengo Angostora,
zure baietza emon zenduan
maitagarrizko txokora.
Prailegientzat maixuorde lez
heziketako arlorra;
danen aurretik danetan beti,
gero eta gehiagora;
ezin jarraitu ta hurrik emon
inork inondik inora.

3

Ni ordurako joan-barri nintzan
Gipuzkuko Gabirira,
laster batean agertu jakun
gu prailekion kabira.
Zuk Aita Patxi, ez euskuzun ez
begiratzen arpegira;
baina bai sartu zinan maiteki
gure bihotzen erdira;
zuk eginak ta zure esanak
ahaztutekoak ez dira.

4

Zorionean amaitu jatzun
amorruzko gudaketa,
orain gaixo ta zaharren artean
maitasunezko hizketa.
Arabaldeko herritxoetan
hamaika arineketa!
Denpora gitxi, zeregin asko
alperrik da barriketa,
kazariak lez irribarreka
etxera frutuz beteta.

1

Zu Aita Patxi, nor izan zinan
jentea galdezka dabil,
zeure lagunak autortzen dabe
dana argi ta biribil:
“Itxura baten, gorputzez makal,
argal, zimel eta zurbil;
bihotzez bero, animoz bizi,
hartuemonean umil,
zeure bidetik urten baino lehen
nahiago mila bider hil”.

2

Tratu txar asko, irain larriak,
bazan bai nor ahalegindu,
haren barrua ez zan garrastu,
ez inoiz ere sumindu.
Ez gorrotoz ta ez garrazkeriz
ez eban inor samindu;
danak maitatzen, danak zerbitzen,
nor ta zelan atsegindu,
haren ametsa: Jesukristogaz
ahal dan bestean bardindu.

3

Ez da dudarik, Aita Patxi hau
guk ezagutu doguna,
buru ta bihotz beti izan zan
uneraino euskalduna.
Baina danakaz bete ohi eban
kaperau eginkizuna,
danen gaisetik, danentzat eukan
benetako maitasuna;
berba gitxitan, Aita Patxi zan
gizon guztien laguna.

4

Ahal dan guztian on egitea
Aita Patxiren bizitza,
behartsuekaz agertzen eban
osoko solidaritza.
Bihotz gogorrek edegiteko
karidadea zan giltza;
berba batean dana esanda:
zerbitzaria da hitza,
hamaika frutu emona dogu
Arrietako haritza!

5

Ogi zuririk ez geunkan baina
ez jakun falta egurrik,
esandakoak egiak dira,
ez da inungo guzurrik.
Baina Aita Patxi gurekin bazan
ez zan ezereen bildurrik,
danei laguntzen eta zerbitzen
inork ezin emon hurrik,
munduan gitxi izango dira
halako ama samurrik.

6

Gurutzez eta errosarioz
bere burua zaindurik,
ez zan inor ha hondatzekorik
ez gizon, ez deabrurik.
Bardin abade, bardin langile
halako gizon modurik!
Hau ikusita, bere lagunak
inoen txit harriturik:
“Ez da posible! Gizon hau dago
Jainko-txispaz armaturik”.

7

Danen gaisetik nonahi ta beti
pasiotarra zan bera,
buru-bihotzez pasiotarra,
pasiotarra janzkera.
Guda-nekaldi latza sufriduz
Jesukristoren antzera;
Zirineok lez, gurutzedunei
bixkor joian laguntzera;
besterik gabe, Aita Patxi gaur
jaso leike aldarera.

1

Indietatik etxeratu zan
berrogei urte bitarte,
kolkokadea nori hustuko
kezkaz Txomin Errekarte.
Deustura joanda, han Aita Patxi
zabalik bihotz-besarte;
erruki haundiz ez zan gelditu
ni guztiz baretu arte.
Han Jaunarekin topatu nintzan
nahiz lehen egon hain aparte.

2

Legea lege, gizona gizon,
bietan hau da nagusi;
azpikoz gora jarri ezkerro,
orduan hau bai itsusi!
Gizona minez edo ezinez
premina baten ikusi,
orduan lege bakarra hau da:
errukia erakutsi.
Zuk Aita Patxi, honetan ere
jarraitu zeuntsan Jesusi.

3

Beti zenbiltzan, zu Aita Patxi,
nor ete egoan gaixorik,
nonahi ta noiznahi izanda ere
ez egoan arazorik.
Gaixoen alde ez nekerik ta
ez urruneko auzorik...
Haren ondoan ez zan faltako
laguntza ta errezorik;
gaixo batentzat ez zan edonor
zu lango ama goxorik.

4

Nazareteko Maisuarena
zan eskola bakarrean,
begi-bihotzak beti jarrita
pertsona gaixo-zaharrean.
Bera ta biok burutik jota
eta lotu beharrean...
Itxurazale, lege-maisuak
egoera hasarrean,
baina horixe da lehentasuna
Aita Jaunaren aurrean.

1

Pelitzisimo deuna izan zan
zure misino-laguna,
milaka askok gorputz-arimaz
lortu eben osasuna.
Bedeinkazino ta sakramentu
etengabeko jarduna.
Zu Aita Patxi, han ikusita
jendearen esakuna:
Pelitzisimo ala Aita Patxi
nor da osatzen gaituna?

2

O Aita Patxi, bai penagarri
zeure Angosto iztea!
Baina beti lez bete zenduan
Jaunaren borondatea.
Orain arte lez zure lekua
zerbitzari izatea:
morroien maisu, sarri atezain,
huskeriak egitea...
Zure errua —erru santua!—
beti baietz esatea.

3

Hilabeteko gogojardunak
gogoan ditut betiko,
zu ta ni biok batera ginan,
zer hoberik ikusiko!
Kanpoz isilik, barruz borborka
sarri otoitz belauniko;
kristau gudari bat bixkortzeko
leku bat berebiziko,
alkarren lagun han egin ginan
geure bizitza guztiko.

4

Gaixoak ziran zure lagunak
eurentzat lehenengo txanda,
iguingarriak zuretzat ziran,
edo minbiziak janda.
Zeure aukera izan zan hori,
zeu pasiotar izanda,
horren lekuko dira Basurto
eta Ibarrekolanda;
eurak gaixoak autortzen dabe:
“Guretzat Jesus izan da”.

1

Bilbo itzita, aldatu behar
Arabako Angostora,
asko ebiltzan, zu Aita Patxi
zelan botako kanpora.
Diranak eta ez diran danak
ipiniaz hankaz-gora,
“Eleiz osteko haize hotzetan”
zer frutu eta zer lora!
Horra zergaitik zuk jo beharra
sarritan Kalbariora.

2

Gaixoak poztu, zaharrak lagundu
ta lehortu anpulu,
han eta hemen zu izan zinan
gixajoen makulua.
Askatasunez jardue zenduan,
hori zan eskandalua...
Horra hor: eginaren pagua
ate ostean palua;
baina zuretzat Jesus gurutzan
zan betiko ispilua.

3

Halako baten hor Vaticano
Bigarren Kontzilioa,
danen gainetik ipini nahirik
goren Ebanjelioa.
Dana aztertuz, non dagon gatxa,
non betiko balioa:
kontua ez da Jantzi Santua,
ezta errosarioa;
lehen eta orain ez dozu izten
Jesusen Kalbarioa.

4

Lehengo Eleiza gaurkotutea
egin beharra zan hori,
azalez barri, baina barruz zahar,
hau jazo jaken askori.
Espirituak emoten deutso
Eleizari kategori;
Aita Patxiren antzera beti
begira Jesukristori,
atxaki hutsez ez inork bota
errurik Vatikanori.

1

Esku batean Sakramentua
eta bestean makila,
Errosario santua lagun
bidez bide gaixo bila.
Baserrietan hara ta hona
dabil kazari abila,
loa ta jana sarri galduta
nekez dabil erdi-hila;
Jesukristoren alde gudari
hori dok hori mutila!

2

“Aita Patxi hau, hori ta beste”
bada gaur zer esana;
bateko behia, besteko ahuntza
hark bedeinkatu ebana...”
Batez ere zu joaten zinan
zahar eta gaixoengana,
bihotzak poztu eta garbituz
gero aingeruen Jana;
bakoitzagaitik egin zenduan
egin ahal zenduan dana.

3

Baserrri baten amama gaixo
etxean bakarrik bera,
Aita Patxi han sartu ezinik
begira goiko aldera.
Behetik goraino jarri eutsoen
leihoraino eskailera;
Joxepa pozik autortu eta
Gure Jauna hartu gainera;
lapurreta on bat egin dau ta
pozik dator goitik behera.

4

Batzutan Aita Patxi ta biok
ginan misinoko lagun,
horra zergaitik ginan hainbeste
biok alkarren ezagun.
Sarri lurrean lo egin arren
goizaldean ez zan astun,
igarri barik goizean goizik
ihesi joaten jakun;
erdizka bizi garean askok
a zer maisua daukagun!

1

Behar zan eta ondo etorri
 Vatikanoko Batzarra!
 Baina harexek atera eutsun
 bihotz-hondoko negarra.
 Haren atxakiz nasaikerira
 betiko joera txarra...
 Ez errezena, bai zuzenena
 hor dago zure indarra;
 hala nahiz hola, maitatzea da
 betiko lege bakarra.

2

Hara bialdu, hona ekarri,
 beti gauza bat buruan:
 gaixo ta zaharrik zure preminan
 ba ete dan inguruan.
 Bardin auzoan izan ta bardin
 urrun bateko lekuan,
 euri nahiz edur, ez dau ardura,
 egunez nahiz gau orduan;
 bizi diranak leku askotan
 dauke ondo akorduan.

3

Gaixo artean ebilen Jesus
 zuk Aita Patxi gogora,
 eta Berak lez gaixoentzako
 beti daukazu denpora.
 Gogoan dauke baserri baten
 hurreratzean ondora,
 gaixo bat deika, etxeko danak
 joanak ziran kanpora;
 Gure Jaun eta guzti joan zinan
 eskailera baten gora.

4

Zuk bazenduan beste izen bat:
 "Autostopeko gizona",
 zeozegaitik Bizkai osoan
 herriak berak emona.
 Asti gitxi ta zeregin asko
 etenbarik hara-hona;
 errosario ta sakramentu
 hango kirieleisona!
 Hauxe izaten zan ordaintzeko
 Aita Patxiren txanpona.

1

Hil da gure gudaria,
 Jesusen mezularia;
 Erreinuaren alde ebilen
 giza-ehiztaria.
 Herri-misiolaria,
 errukian ugaria;
 O Aita Patxi, opa deusugu
 betiko saria.

2

Gaixo ta zaharren maitale
 pobreei on eginzale;
 Jesus Berak lez jokatu dozu
 ta horregaz bale.
 Gaur baserri eta kale
 hemen gaituzu eskale:
 zeure bitartez, ez daigun gero
 inork emon kale!

3

Zeuk esana da behinola:
 Maitasunaren eskola,
 zorionbide ederragorik
 inon ez dagola.
 Malko, izerdi, odola
 ez dira galtzen inola,
 horra zelan zuk goiko atean
 sartu dozun gola.

4

Jesus Maisuaren jarrai
 beti erantzun zeuntsan: Bai;
 orain zeruan bere ondoan
 zagoz pozetan blai.
 Badakizu zer dogun nahi:
 jarraitu zure bideai
 gero zeruan danok batera
 egin ahal daigun jai.

1

Nor zer izan dan ezagutzeko
neurri ona da geroa,
santu-artean jartzen da sarri
ha lehenagoko eroa.
Maitemindua beti izaten da
eroa edo beroa.
Munduarentzat exkaxa dana
San Pedroren bezeroa;
Jainkoak Berak esan behar dau
bakoitza dan jeneroa.

2

Gaztetan Jaunak buru ta bihotz
hain zinduzan liluratu,
handik aurrera ez zeuntsan inoiz
Berari ezer ukatu.
Pitxi eder hau aurkitu eta
dana beragaz trukatu;
Jesusekin zu behin ta betiko
osoan zinan fidatu,
hau behin gertatu ezkeru, zelan
Jesus ez danik maitatu?

3

Bidera urten eta autostop
ez eban behar dirurik,
guk dakigunez, ez eban inoiz
erabili erlojurik.
Kilometroak errosarioz
banan-banan zenbaturik,
Jainkoa eta gaixoak baino
ez eukan beste konturik;
gure artean ez da agertu
holako gizon modurik.

4

Bedeinkatua izan dedila
gure Aita Jaungoikoa,
Aita Patxi hau emon deuskuna
bere bihotz betekoa!
Beragaitik gaur Zuri goresmen,
kantu esker onezkoa;
eta egizu zure ondoan
gutziz zorionekoa,
laster santutzat autor daigula
zaindari bihotzekoa!

5

Dana emon ta dana jokatu
eta ahal bada hil martiri,
Aita Patxiren bizitzan ez da
hauxe besterik agiri.
Euren lekuan bera jarrita
bizia salbatu biri...
Gaztetan jaso eban konbite:
"Zatoz ta jarraitu Niri";
harrezkero nork ta zerk eragin
atzera Aita Patxiri?

6

Zure ametsa beti izan zan:
"Bizi Jesusen antzera".
Gaixo ta zaharren zerbitzuan ta
Aitatxoren esanera.
Fede-bidean su ta gar baten
beti onetik hobera;
zu Aita Patxi gogoz zenbiltzan
ahal zan bestean topera,
ondo zenkian goiko tontorra
ez dala hartzen kolpera.



1

Bertso barri batzuek
gura neukez jarri,
zeruko Aita ona
egidazu argi.
“Aita Patxi hil jaku”
esanaz alkarri,
pena haundiagorik
ez da hartu sarri.

2

Arrietako Libon
jaio ta hazia,
beragaz izan eban
Jaunaren grazia.
Pasiotarren legez
ondo ikasia,
oraindik ez da galdu
santu-errazia.

3

Hirogeitalau urte
kumatik hobira,
bitartean emon dau
mila jirabira.
Ekinaren ekinez
ez dago begira,
jenteak dinozanak
guzurrak ez dira.

4

Atsedeen barik ekin
bide gogorrear,
zer ete eukan harek
bihotz-motorrear!
Zeruan sartzen bada
neke-zigorrear,
Aita Patxi han dago
goiko tontorrean.

5

Bide biren artean
beti gogorrena,
maitasunez eginda
hau aukeramena!
Errezena ez ei da
gehienbat onena,
hori da jokatzea
kristau sinismena!

6

Begiak lurrean ta
bihotza zeruan,
Jaungoikoa besterik
ez eukan goguan.
Hauxe zabaltzen eban
bere inguruan,
guztiak indartuaz
sinismen beruan.

7

Aita Patxiren grina:
Errosarioa,
nonbait ondo ekian
bere balioa.
Dana zan otoitza ta
bedeinkazioa,
alper askoren ordezt
erremedioa.

8

Beti ebilen Patxi
pekatari bila,
beragaz autortuak
ia zenbat mila!
Ez zan, ez jakituna
bai gizon umila,
bere jakituria
Jesus-Gurutzhila.

9

Gaixo minduak ziran
bere urkolagun,
euren bila ebilen
beti gau ta egun.
Hortxe galdu ebazan
bizi ta osasun,
berbaz barik egitez
maisua non dogun!

10

Gerratean gizon bat
ei zan hil beharra,
“Agur andra, umetxo”.
Ai, haren negarra!
“Neu nago horren ordezt
Patxiren dearra;
otoitza egin ondoren:
“Jo neure paparra!”

11

Anaiarteko gudan
Patxi zan kaperau,
bertan egindakoak
dar-dar ipinten nau.
Euskal anaiekaz
zer negar, alarau!
Bere lagun ziranak
gogoan dauke hau.

12

Jainkozale izan zan
euskaldun gainera,
biok bene-benetan
ta biok batera.
Bat edo beste behin be
ez eban aukera,
honezkero zeruan
badakie euskera!

13

Jokatu dozu, Patxi,
joko ederrian,
zenbat on egin dozun
zeure aberrian!
Ez ahal zendun ereingo
leku okerrian,
frutu emongo al dau
gaur Euskalerrian.

14

Ekin ahalean ekin,
ahal dan dana bota,
astebete baino lehen
hiltorian jota.
Zure jokabidea
agirian dago ta:
jo ta su ibilita
ondoren Golgota.

15

Hatzamarra jasota
bidertzean eske,
norbaitek eroango
arin eta merke.
Gaur zuri eske gagoz
txofer eta beste:
horruntz eroan gaizuz
ahal dozu hainbeste.

16

Zorionak gaur zuri,
gure Herriko pitxi!
Zeugaz poztuten gara
ta ez gero gitxi.
Nahiko egin dozu ta
hortik ondo bizi!
Agur ta laster arte
Gure Aita Patxi!



1

Aurtengo urtarrilak
hogeita hirua,
inguruan ez dago
lotako girua.
EGIN egunkariak
bota dau tirua:
“Aita Patxi ei zala
benetan zorua”.

2

Aita Patxiri emon
plaza edo kale,
ni neu ez naz agertzen
gauza horreen zale.
Baina zergaitik ekin
jo ta tiro dale?
Mila askoren ustez
santu zan ta, bale.

3

“Egunero barau ta
gorputza zigortu”,
horigaitik gizon bat
zorotzat autortu?
Hor esanda nor garan
sasi ala ortu...
Mundura zertarako
ete ginan sortu?

4

Aita Patxi ei genduan
praile limosnari,
zer ez eutsan lagundu
gaixo, pobreak!
Atrakorik ez eukan,
on egin ugari;
barriketak itzita
jarraitu berari.

5

Beti ibili ei zan
autostop eginaz,
beti errosario
ta Ama Birjinaz.
Autostopak badira
txandako sorginaz!
Errosario orde
mihinari ekinaz.

6

Bakoitzak ditu bere
santu, martiriak,
eurak goratu nahirik
a zer intziriak!
Besteenak behera ta
non dira niriak?
Atxaki asko ditu
gure inbiriak.

7

Eginak egin eta
esan asmau-ahalak,
bartzarrak nahastuteko
ez gaituk makalak!
Batzui on egin eta
besteei tripalak;
nahiko zeregin dauka
Bilboko Udalak!

8

Euskadin mila dira
kale eta plaza,
noren izena jarri
ezin emon traza.
Gizonen baloreei
zeinek jarri taza?
Gizonak neurtu ezin,
hauxe da demasa!

9

Ez dauka edozeinek
zentzun ta ganora,
behar dan lez neurtzeko
santuen balora.
Pentsamentu bat zapla
sortu jat gogora:
ze alde ete dago
santutik zorora?

10

Munduaren erdia
dago erdijota,
bada beste erdia
nork zorotzat bota.
Eguraldi txakurra
aspaldi dago ta,
ondo zaindu daigula
gaineko kaskota.

11

Kristauok Jesus dogu
bakarrik Maisua,
zorotzat bota eben
bera be, gaixua.
Badaezpadan, emonda
dago abixua:
prest daukala San Pedrok
atean pixua.

12

Berean zintzo dana
beti dabil bero,
alperrentzat beti da
zoro edo ero.
Batzuentzat mila da
besteentzat zero;
beti besteak zoro?
la geu garan gero!

13

Aita Patxi izan da
zoro edo santu,
bakoitzak bera nor dan
horrela esan du.
Geurea agertzeko
ez da ez berandu:
ona izan zinalako
zuri bertso-kantu.

14

Ez da bat txaloak jo
ta txaloak emon,
Aita Patxi, gaur biak
dozuz hemen bertan.
Kale-plazak baino zuk
gorago dozu igon,
gaur zeruan zagoz ta
bihotzez ZORION!

1

Gaur Aita Patxi gogora daigun
 pasiotar euskalduna,
 santua dala gure Eleiz Amak
 garbi autortzen deuskuna.
 Zaharrentzako ta gaixoentzako
 izan zan bihotz-biguna,
 euren ondoan emonaz sarri
 pozik gaua ta eguna.
 Batzar askotan deitzen deutsoe:
 Zahar ta gaixoen laguna.

2

Gaixo ta zaharrei laguntzea zan
 Aita Patxiren amesa,
 Jesus onari eginda eukan
 euren aldeko promesa.
 Euren ondora heldu orduko,
 berba samur ta erreza,
 erruki haundiz agertu nahirik
 Jesus ez dala jueza;
 etxeratuta kezka bat beti:
 gehiago lagundu eza.

3

Txori-erbien atzetik azkar
 ibilten da kazaria,
 Aita Patxi hau askoz pozago
 gaixoen zerbitzaria.
 Sakramentuak fedez emonda
 zer bake ta pozkaria!
 Aita Patxigaz etorkela ta
 Jesus ta Ama Maria.
 Gaur Aita Patxi goraldu geinke:
 Zahar-gaixoen zaindaria.

4

Diruzalea ibili ohi da
 egarriz ondasun bila,
 Aita Patxi hor gaixoak zaintzen
 egarriago dabila.
 Oinez denpora galtzen dala ta
 autostopan berebila...
 Sartu ta behingoz errezu baten
 etenbako iskanbila;
 errosarioz ordaintzen eban,
 benetan praile abila!

5

Nondik etozan Aita Patxiren
 hainbeste arineketa?
 Jesus beti zahar eta gaixoen
 aide ikusten eban eta.
 Kalbarioko Jesusen garrez
 eukan bihotza erreta,
 horren testigu argiak dira
 Basurto ta Gurutzeta;
 hoba gehiagok bageunkaz bere
 bihotza eta kasketa.

6

Bardin joango zan txabolara
 eta bardin jauregira,
 gehienbatean hor-han-hemengo
 urruneko baserrira.
 Bekokietan ikusten eutsen
 Jesus Jaunaren dizdira.
 Lege guztiak erabiliaz
 Ebanjelioko neurrira;
 Jas! Aita Patxik egindakoak
 gogoz hartzekoak dira.

7

Zaharra zahar zan ta gaixoa gaixo,
beste ezerk ez dau balio,
bere laguntza eskeintzekoan
ez zan inor arerio.
Besteak beste, lehenengo hau da:
Jesusen Ebanjelio.
Hark gurutzean agertzen dauan
parkamen ta amodio;
Hari begira jokutzen eban
eta a zer erremedio!

8

Geure arteko santu bat zelan
ezagutu barik bizi?
Gaixo ta zaharroi ondo jatorku
horrelako aitabitxi.
Bizi zinala gaixo ta zaharrak
ez ei eutsuen zor gitxi!
Orain zeruan zagozan horrek
ez bertanbehera gu itzi:
guk beti zeugaz kontatzen dogu,
gure lagun Aita Patxi!

9

Mundu harroak zorotzat bota
eta zinduzan baztartu,
baina gaixoak ta baztartuak
zeu jainko-gizontzat hartu.
Jesus Beraren lekuan gagoz,
ez dogu zetan kaxkartu;
Oi Aita Patxi, zeure antzeko
izan gaitezán, indartu;
gero zeruan gazte ta sendo
zeugaz gaitezán alkartu.

10

Pelitzisimo deunak deituta
bere laguntzat Deustura,
bebingoan hasi jakozan heltzen
gaixo ta zahar zenbat-gura.
Aita Patxik hor ipinten eban
jausten jakona eskura;
hamaika gaixo osatu ziran,
agur neke ta tristura!
Hor santu biak gaixoen alde
eginda dauken postura.

11

Gaixo ta zaharrei laguntzea zan
Aita Patxiren pozgarri,
euren ondoan egotea zan
santu honen ezaugarri.
Hortarakoxe Bizian Gora
dogu hemen martxan jarri;
inor baino lehen behar zaitugu
zahartzaroko lagungarri;
gaixo ta zaharrok autortzen dogu:
Aita Patxi santu barri!

12

Azken orduan entzun neutsuna
nahi neuke hemen kontatu,
gaixo ta zaharrak jakin dagien
ta behar dan lez jokatu:
“Hara zerura joan naitenean
nik badakit zer eskatu:
gaixoen lagun jarraitu nahi dot,
eta ez eidazu ukatu,
gaixo ta zaharrak izan dagien
norengana hurreratu”.

1

Handwritten musical score for system 1, consisting of five staves of music in 2/4 time. The notation includes various rhythmic values such as eighth and sixteenth notes, and rests.

2


Handwritten musical score for system 2, consisting of seven staves of music in 6/8 time. The notation includes various rhythmic values such as eighth and sixteenth notes, and rests.

3

Handwritten musical score for system 3, consisting of seven staves of music in 6/8 time. The notation includes various rhythmic values such as eighth and sixteenth notes, and rests.

"JAUNA, NIK SANTU IZAN GURA DOT"

"Jauna, nik santu izan gura dot"
 hau da zure egarria,
 ume-umetan bihotz-hondoan
 Jaunak Berak ezarria.
 Jesukristo Jaun Gurutzekoa
 zure bizi-oinarria,
 Nahigabetako Andra Maria
 zaindari maitagarria;
 gaixo ta minez dagoan nornahi
 zure maite-lokarria.
 Gurutza ezaugarria,
 Meza indar-iturria.
 Zu, Aita Patxi, aldarean nafiz
 handik kanpora jarria,
 ez da dudarik, gaurtik badogu
 euskaldun santu barria.



AITA PATXIREN KURUTZBIDEA

-Power-Point-

Sarrera

- . (Jesus Kurutzekoaren irudi bat)
- . Jesus benetakoa "kurutzeduna"; ez kurutze bako Jesusik, ez Jesus bako kurutzerik . Aita Paxi eta kurutzea: Nekaldiko Frantzisko". *"Martiri izan gura dot"*. (Legionario) . Ni, zu, ha..danok kurutzedunak; Nahitaez eroan behar; zelan besarkatu, zerubide

. (Aita Patxiren irudia)

. Gogoeta: Nire kurutzbidean bat egin dot Jesus Kurutzekoagaz?

Kurutzbidera goaz / lagun Aita Patxi,
badogu beragandik / danok zer ikasi.

"KRISTOREKIN KURUTZEAN JOSITA NAGO!

. (Kurutzearen irudia)

. Jesus ez dabil kurutze bila; bide zuzenean aurkitu kurutzea; maitasunez eroan

. Aita Patxi: behartsu askoren zirineoa; autorlekuan: *"Gainerakoa neure kontura"*

. (Aita Patxiren irudia)

. Gogoeta: Zelan sentitzen zara bizitzan suertatu jatzun kurutzeagaz? Zer eskatzen Jesusi?

Kurutzean josita / nago Kristorekin,
maitasunez sufriduz / Beragaz bat egin.

KRISTO DA NIRE BAKEA

. (Jesusen irudia)

. Jesus Aitaren esaneko: *"Ez bedi nire gogoia egin zurea baino"*. Barrua bakez.

. Aita Patxi: ostikadeari errosarioa... *"Santu izan gura dot"*... Gogorra eta samurra...

. (Aita Patxiren irudia)

. Gogoeta: Banoa kurutzean barrua gozaten? Kalbarioko eskolan sufritzen ikasi dot?

*Jesusek salbau gaitu / bizia emonez,
ez jako erantzuten / begira egonez.*

KRISTOREN MAITASUNAK BEHARTZEN GAITU

. (Jesusen irudia)

. Jesusek maitasun bidea egin: Aitari baietz, niri baietz; neurri barik, bizia emoteraino.

. Aita Patxi: Beti zerbitzari; gaixo behartsuen alde. *"Neuk emoten dot bizia zure ordez"*

. (Aita Patxiren irudia)

. Gogoeta: Jesus eta zu aurrez aurre kurutzean: Zer eskatzen deutsazu?

*Esker txarrez arritan / zaitugu zauritu,
eta Zuk bizi barriz / gaituzu saritu.*

HAREN ZAURIAK OSATU ZAITUE

. (Jesusen irudia)

. Jesusen zauriak beti aldean: Zenbat kostata salbau gaituan! Bizi iturri bihurtu dira

. Aita Patxi: Egin ahalak eginda: *"Hau zer da, Jesus, zure maitasunari erantzuteko?"*

. (Aita Patxiren irudia)

. Gogoeta: Zure "zauriak" inor "osatzen" dabe? Zelan?

*Gure Salbatzailea / da kurutzeduna,
Berari jarraitzea / da zor deusoguna.*

HARTU ZURE KURUTZEA ETA JARRAITU NIRI

. (Jesusen irudia)

. Kurutzeaz jarraitzea... Ez beste erlijinorik kurutzean hildako Jainkoa gurtzen.

. Aita Patxi: Era guztietako kurutzak sufritzen ditu. *"Honeek dira nire armak"*.

. (Aita Patxiren irudia)

Gogoeta: Zer da zuretzat kurutzea besteei on egiteko erabiltea?

JESUSEN NEKALDIA BEGO BETI EZARRITA ZUEN BIHOTZETAN

. (Jesusen irudia)

. Jesusi dana zor deusogu; maitasunari maitasunez erantzun; neurri barik

. Aita Patxi: *"Neure antzeko egingo zaitut"* -*"Egin bedi zure nahia"*

. (Aita Patxiren irudia)

Gogoeta: Nik zer egin neike hau nire bizitzan egi bihurtzeko?

*Jesus, egizu, arren / zure Nekaldia,
gure bihotz erdian / bego ezarria.*

*Gaurko kurutzbidea / beharko amaitu,
bizi garan artean / bada nun jarraitu.*

AMAIERAN: Hasierako Jesusen irudiaren aurrean tente: *"Oi sufritzen jarraitzen dozun Jesus maitea"!*

7

Zaharberrituen tailerra
eta lantegi ederra:
“Bizian gora” dugu guretzat
Jaunaren eskerra.
Hor garbitzen da ugerra
eta bizkortzenm alperra;
aukera hauek alboratzea
geuretzat okerra.

eta bizkortzen alperra;
aukera hauek alboratzea
geuretzat okerra.

AITA PATXI LAGUN

1

Gaur AITA PATXI gogora daigun
Pasiotar euskalduna,
santua dela gure Eliz Amak
garbi autortzen diguna.

2

Gaixo ta zaharrei laguntzea zen
Aita Patxiren amesa,
Jesus onari eginda zeukan
beren aldeko promesa.
Beren ondora heldu orduko,
hitz samur eta erreza,
erruki haundiz agertu nahirik
Jesus ez dela jueza;
etxeratuta, kezka bat beti:
gehiago lagundu eza.

4

Diruzalea ibili ohi da
egarriz ondasun bila,

8

Haur txikiaren antzera,
Aitatxoren esanera,
zaharberrituak beti hartzen du
Jesusen jarrera.
Bizitzako gorabehera
eta heriotza bera;
“Aitak ondoen daki-ta, betor
Beraren nahiera”.

Zaharrentzako ta gaixoentzako
izan zan bihotz-biguna,
beren ondoan emanaz sarri
pozik gaua ta eguna.
Bazter askotan deitzen diote:
“Zahar ta gaixoen laguna”.

3

Txori-erbien atzetik azkar
ibiltzen da ehiztaria,
Aita Patxi hau askoz pozago
gaixoen serbitzaria.
Sakramentuak fedez emanda
zer pake ta pozkaria!
Berarekin bat zetozkiela
Jesus ta Ama Maria;
gaur Aita Patxi goraldtu daigun:
“Zahar- gaixoen Zaindaria”

Aita Patxi hor gaixoak zaintzen
egarriago dabila.
Oinez denpora galtzen dala-ta,

eta besteko miseri;
santu ta santa, ora pro nobis,
ai, lagundu neri.

8

Jolas ta dantzak jaietan
hau diotsuet benetan,
min pixka bat merezi du
ezur-mamietan.
Egin ez bazen gaztetan,
egin larogei urtetan...
Aita San Pedro parrezka dago
goiko zeruetan.

ZAHARBERRITUAK

1

Urteen urtez naiz zaharra,
ez da ez ain gauza txarra;
gaztetarik nahi ez duenak hil,
hau bide bakarra.
Gaur gazte jente azkarra,
hemen joten du baztarra:
jakinak jakin, eginak egin,
makurtu beharra.

3

Jubilatu zaharberriak
ba ditu ezaugarriak:
Jaunaren bila jartzen du beti
bere egarriak.
Beti erne belarriak,
Jaunari adi jarriak:
ez dio hutsik eman Jaunagan
duen oiñarriak.

5

Gurutzea bai astuna,
norbera ahul ta biguna;
fede-argitan ezagutu du
ondoan Laguna.
Agur zahartzaro iluna
ta bakardade ituna!
Zaharberritua gurutzean da
batez ere ezaguna.

2

Lohikeritik garbituak
eta gotik argituak,
horra gizaki bihotz-gazteko,
biziberrituak.
Jaunaren Espirituak
ditu horren merituak;
aiton-amona asko ditugu
gaur zaharsarituak.

4

Bera dago erdi hila
eta errenka dabila;
pobre ta gaixo nori errukiz
on egingo bila.
Ez du zahartzaro trankila,
baiño pozezko pilpila;
Jesus Maixuak damaio grazi
eta dohai pila.

6

Bere kristau sinismenez
bizi da itxaropenez,
sarri entzun du deitzen diola
Jesusek izenez.
Gizaki da ta, aienez,
baiña aurrera kemenez;
zahargaztetuak merezi ditu
txaloak omenez.

estopean berebila...
Sartu ta behingoz errezu baten
etengabe iskanbila;
Errosarioz ordaintzen zion,
benetan praile abila!

5

Nondik zetozten Aita
Patxiren hainbesteko lasterketa?
Jesus zahar ta gaixoen alde
beti ikusten zuen-eta...
Kalbarioko Jesusen garrez
zeukan bihotza erreta.
Horren testigu argiak dira Basurto ta
Gurutzeta;
hoba gehiagok berdin bageunka
bihotza eta kasketa.

6

Berdin joango zen txabolara
eta berdin jauregira,
gehienbatean, han-hor-hemengo
hurrutiko baserrira.
Bekokietan ikusten zien
Jesus Jaunaren dizdira.
Lege guztiak erabiliatz
Ebanjelioko neurrira; Jas, Aita Patxik
egindakoak
ai, entzutekoak dira!

7

Zaharra zahar zen ta gaixoa gaixo,
beste ezerk ez du balio;
bere laguntza eskeintzekoan
ez zen inor arerio.
Besteak beste, lehenengo hau da:
Jesusen Ebanjelio,
Hark Gurutzean agertzen duen
parkamen ta amodio;
Hari begira jokutzen zuen
eta a zer erremedio!